

玉冊文

行狀附

祭文

文

碑銘

跋

春亭集五

春亭先生文集卷之十一

神懿王后玉冊文

永念至恩不勝感愴追增徽號惟極尊崇祇遵舊章
用伸孝懇恭惟稟資神懿秉心順承德協乾元若塗
山之配禹道全恒吉齊太妣之母周嚴教子之義方
篤逮下之仁恩伏念猥承厚澤嗣襲丕基爰卜良辰
式陳縉禮謹遣某官某奉冊上尊謚曰神懿仰惟昭
鑑俯諒精衷衍萬世之本支綿億年之曆服

太上王封崇玉冊文

聖德極尊推崇無上神功至大報效何施惟有徽稱

庶昭盛美恭惟建開邦之策決定社之機愛親敬兄
為生民而立極交鄰事大回世道以底平修祀盡如
在之誠發政先無告之類乾坤覆載動植咸周於堯
仁日月貞明邪正自形於舜智念承付托常切憂勤
雖冊禮之已陳尚臣心之有愧爰上加尊之號用申
歸美之儀伏惟垂并育之慈擴優容之度曲從輿望
俯受七字之鴻名茂迓天休永享萬年之聖壽

大行太上王謚冊文

創業貽謀實由大德易名定謚惟以至公祇繼舊章
式薦徽彌恭惟 大行太上王稟資神聖秉心寬仁

值前朝衰叔之時克平多難膺上天眷佑之篤肇造
丕基奮武威於風霆昭文治於日月欽受帝命更國
彌以維新達觀神都奠民居於有永以啓我無疆之
運實原於好生之心故先因寤思乎動植念叨承於
艱大謂榮養於期頤何促駕於賓天忽貽哀於梓地
宜舉追崇之禮用申歸美之誠是撰休稱垂示來裔
謹遣某官某奉三冊上尊謚曰至仁啓運聖文神武
大王廟號曰太祖仰惟冲鑑俯諒精衷申錫繁禧保
子孫於千億幽贊洪祚與乾坤而久長

上王封崇王冊文

聖神之妙雖絕名言臣子之情必崇徽號茲舉彝憲
用伸孝思恭惟高明配天博厚齊地扶祖聖而啓運
尊嫡長而守成德冠百王乎舜文之所性功高萬代
與湯武而同符敦敬天愛民之誠盡事大交鄰之道
惟至仁之浹洽致斯世於隆平念龍衣重艱實深祗懼
欲昭盛美當極尊稱爰率臣僚式陳冊禮臣其不勝
大願謹奉冊寶上尊彌曰聖德神功伏惟特留睿鑑
以恂卑忱俯受鴻名擁純禧之川至茂迎和氣享多
壽於嵩呼

祈雨雩社園壇祭文

嗚呼唯天萬物之父也故匹夫失所亦必彌天况於
君臨一國者乎雖然古昔聖人之制禮也惟天子得
以祭天小國之君不敢以祭近歲傳圓壇之祀者蓋
以此也安有一毫不敬之念哉予以寡昧仰承天眷
托於臣民之上蓋已久矣甚欲退避而勢不獲已式
至于今乃遇旱災至於此極億兆之生將被其禍敢
不披肝瀝膽昭告上帝乎然雨暘燠寒之或時或恒
皆以人事之所召而致之也天豈容心於其間也哉
則今茲旱乾之災咎實在予予又敢不內訟自責以
祈天之佑乎曩者閔無咎無疾皆無一善之可錄徒

以靜妃之親與於勲盟之列立於宰親之行宜其小心謹慎共保富貴顧以不得自專國政以逞其欲為恨乃懷不忠之心而有今將之計離間骨肉以圖宗社此王法所必誅而不可宥者也然且不忍加以顯戮但令自盡而已其無恤無悔又皆置諸兩府予常教誨至引王導王敦之事而言之蓋欲其操心恭謹以自保全也豈期忘君父之恩深怨其兄之死復踵前轍久蓄不忠而見諸言語以就自盡也哉斯皆自取之耳非予故有作惡之心也予言非誣帝心所知又念其他功臣或有誅死者矣或有放逐者矣皆以

事干宗社有不獲已隨其罪之輕重而處之也初豈有誅放之心哉至若土木之役或以待朝士或以處工匠而營繕非故為遊觀之所以傷財病民也雖然凡此數者予又豈敢自以為是而不獲戾於帝心也哉又况動靜云為之間爵賞刑罰之際豈皆合乎天心而無所失歟是宜天心震怒而示之譴責也嗚呼以予之故億兆之民何罪何辜而罹於饑饉之禍乎此予所以晨兢夕惕而不敢遑寧日具宵分而益深憂畏者也今陳菲薄之儀且敘自責之辭仰干神明之鑑伏惟是上帝諒予積誠聽予敘辭特賜矜憐

赦宥過咎霈沛然下雨以蘇羣槁致令無知赤子億兆
之衆免於溝壑之轉而得食哺之樂以至飛潛動植
洪纖萬類皆遂其生不勝至願

祈雨雩社園壇祭文

嗚呼昊天萬物之父也凡在所覆之內而有聲色艱
象者莫非資於生育以遂其性命矣苟有失其所焉
者則亦莫不呼天以祈覆護蓋理之所固然而情之
所必至也予以眇然之身君臨億兆之上實惟昊天
上帝之保佑是賴凡所施為常恐獲戾于帝心苟有
災異之變惕然不寧以承譴告夙夜寅畏蓋有年矣

今值歲農之月乃遭旱災之甚慄慄危懼罔知所為
反躬自責以為刑罰失中而無辜陷於罪歟舉措失
當而忠邪混於朝歟下情未達則冤抑莫之伸矣賦
役不均則鰥寡受其弊矣凡此數者雖皆有主者然
其本則係乎予之一心安敢自以為克享天心而無
所失歟今之遇災實所自取又誰惡哉第念夫無知
億兆之衆以至草木之微咸受焦悴此豈予心之所
忍視亦豈天心之所安茲陳薄禮仰竇高明之鑑欽
惟昊天上帝諒予深誠聽予苦辭特賜矜憐赦宥過
咎霈然下雨俾億兆生靈飛潛巨細咸蒙潤澤各遂

其生不勝至願

祈雨雩社圓壇祭文

於天心之仁愛兮民所欲之必從維民生之休戚兮
係年歲之凶豐比年水旱之相仍兮故饑饉之荐臻
是戶口之流離兮老羸轉于溝壑兮茲旱魃之為災
兮良由小子之否德本五事之未能盡其敬兮刑政
以之而差失致人心之不和兮召乖氣之愆忒斯自
反以痛責兮敢一飯之暇追念予眇然之一身兮荷
上天眷命之篤為宗社山川之所寄兮且億兆臣民
之所付托因慄慄予危懼兮又遭天譴之至此極予

小子何以為心兮諫帝心之所知薦菲薄於裡祀兮
披肝膽以陳辭庶聽卑而閔予之深衷兮俾雨暘之
若時洪纖巨細之舉蒙潤澤兮缺并育於洪私

祈雨雩社圓壇祭文

維茲之旱兮自往歲以迄今既蘊隆而太甚兮寔兢
業之熏心由予德之不類兮上帝赫其有臨茲譴告
之聿嚴兮蓋仁愛之孔淑羌自反而自訟兮五事昧
於秉彝或刑賞之僭濫兮將沿革之失宜獄訟詎無
冤抑之未伸兮賦役率多致民之怨咨百所息以求
其故兮恐黎民之靡遺宵耿耿其假寐兮動同知其

所爲維予心之危懼兮固日監其在茲豈惟山川與
社稷兮父母先祖之是祈舉昭假而無羸兮顧炎赫
之不可推漚危懇以陳辭兮佇昊天之與哀嗚呼天
之與人本一氣兮有至誠則必格嗟一念之徹于帝
心兮諒無間於毫髮庶赦過而宥罪兮霈雨澤之滂
沱俾羣稿其蘇念兮致億兆之咸和

祈雨雩社圓壇祭文

嗚呼天以陰陽五行化生萬物故曰惟天地萬物父
母夫父母之於子俾之趨利而避害者無所不至而
雨暘燠寒相代於四時而天下之物洪纖巨細咸遂

其生矣易曰乾道變化各正性命雲行雨施品物流
形此之謂也雖然受上天之眷命理億兆之臣庶者
君也人事感於下則天變應於上矣故爾又哲謀聖
之所感雨暘燠寒風時若狂僭豫怠蒙之所召咎徵
斯見今值徂暑之月乃遭旱災之甚咎實在予不可
他求此必刑罰不中而有罪者曲蒙赦宥無辜者反
罹殃禍也用捨失宜而忠讜見疎奸佞肆志也聰明
壅蔽而下情不得以上達也法令紛更而官吏昧於
遵守也又况目之所不及見耳之所不及聞州郡之
廣人民之衆病賦役之不均苦抽歛之多端起怨咨

而傷和氣者不知其幾也此皆原於予之否德所以
內訟自責而不能已也予讀聖人之書粗知君道之
當為深感歷代之威褻庶不至於沉湎酒色耽樂游
田傷財害民窮兵黷武惟欲事大以禮而事神以誠
薄於自奉而篤於恤民勤於聽政而慎於用刑以至
一言一動發號施令之際莫不皆得其道上不負皇
天付畀之重下以慰億兆仰戴之專耿耿予懷天實
照臨然以氣稟物欲之相阻學問自修之未至其於
日用云為之間豈能各適其宜而不獲戾于帝心哉
况能存心以事天小心以事帝洞洞屬屬緝熙不已

終日對越也哉宜乎天譴之深也又誰咎哉雖然天
聰明自我民聰明達于上下而無間所以匹夫失所
尚此呼天况君臨一國統億兆之衆者乎况子之於
父苟有急焉豈自較其賢不肖而不以求救耶又况
以予一人之故萬物舉歸於憔悴此豈帝心之所安
也哉今之旱災一至此極盖嘗禱于山川以及社稷
又嘗告于父母先祖竟莫能效憂心烈烈如焚如惔
當食忘食已卧復起而益深畏懼盖有日矣敢不披
肝瀝膽昭告上帝以祈保佑乎茲薦菲儀仍陳卑指
伏惟昊天上帝諒予積誠鑑予叙辭赦宥過咎特賜

春官大司馬卷之一
矜憐沛然下雨以蘇羣槁百穀用成致令無知赤子
億萬生靈以至飛潛萬類皆得生育不勝至願

天地壇祈雨祭文

惟皇上帝萬物之父雨暘以時方民物得以殷阜茲
大旱之迄于孟秋方信稼穡之不可救嗟靡神而不
舉方曾莫聽而我虞予夙夜以自責方哀萬物之何
辜是昭告于皇天方心慄慄其憂危嗚呼上帝庶其
佑之

至哉后土萬物之母山升雲澤上氣方迺以時而致
雨今旱魃之為災方胡茲至于四旬恐黎民之靡遺

今已修祀於羣神顧其雨而出日今諒饑饉之荐臻
茲危懼而敢告方惟洋洋乎在茲嗚呼后土兮庶興
雨其祁祁

朴淵畫龍祈雨祭文

旱之太甚乃至於今嘉穀將盡哀此蒼黔未知獲戾
危懼實深惟神之靈閱其在淵能雲以雨澤于普天
茲勤再瀆修祀益虔于山之秀于水之漪爲壇以級
象而敬之庶神昭格興雨祁祁惟人有食神亦有依
開城大井德津祈雨祭文

惟神物之孔神兮蓋淵潛以自蟄一厥變化其莫測兮

雨一瞬於六合苟乾溢之有年兮賴惟神之可托茲
大旱之迄于仲夏兮予同知其所為哀萬姓之何辜
兮羌早夜以憂危卜日吉予再祀兮惟膏澤之是祈
庶諒予之深衷方俄作雲以沛雨苗勃然而興之方
憂者喜而病以愈予其受茲明賜兮誓報神庥於永
久

北郊祈雨諸海神祭文

肇陰陽之變合方水乃生乎天一惟潤下之所鍾方
海于坤之四極諒為物之最鉅方浩無涯其正測興
雲雨以潤羣生方信有物之有則一朕神次為至尊方

曰崇祀其自昔維茲旱之為災方乃自春而徂夏何
辜今之人方予軫心於夙夜慕殷湯之自責方效周
宣之側身修祀事以告虔方庶昭格乎明神曾莫聽
而我虞方蓋饑饉之荐臻敢伸再三之瀆方遣大臣
以克禋嗚呼至誠未有不動方理無間於神人矧澤
物以佑民方固惟神之當為且天命予以主祀方亦
惟神之所依胡寧瘕我以旱方百所思以念之瞻山
川其滌滌方恐黎民之靡遺興言及此而惕然方庶
洋洋乎在茲嗟一念之徹于上下方惟神明方諒必
知

北郊諸山神祈雨祭文

嗚呼天覆乎上以生物也地載乎下以成物也雲雨
乎其中而濡澤於萬物者山之神其職也茲旱魃之
為災而嘉穀將盡夫何使之至此極也予念夫雨暘
之數出於天似非神之所得而擅也休咎之徵由乎
人似非神之所得而變也所以屯其膏而不釋使萬
物不得蒙其澤也雖然惟山之神受命于天而下民
是佑者也苟為請命於天而能修其職則旱乾之害
宜莫如是其久也且氣運循環一陰一陽數窮必通
者天道之常也予與臣民念用庶徵恐懼憂危側身

自責者亦惟神之所知也今茲旱之太甚者神亦不
得不任也嗚呼億萬之生方將無以為命也凡百有
神方將無以承祀也人非神無所事方神非人亦無
所止也幽明相須方神人一理也予瀝誠而敢告方
茲祀事之惟修也無俾人窮方無作神羞也苟作雲
以沛雨方諒惟神之降庥也

議政府行益安大君祭文

維大君之碩德方蓋夙稟於天資值前朝之衰叔方
人心涵涵其虞疑諒沈機之先物方斯克贊乎肇基
炳大業之惟興方星霜蓂莢其七周顧宗社有孽芽方

迺仗義以協謀少長賢否之判然方貽萬世無疆之
休以王室之懿親方羌復有此元勳謂永年而享榮
芳為家國之藩垣何一疾之纏綿方致幽明之忽分
嗟吾輩之恃賴方將歲月以俱深慨維城之頽覆方
情鬱悵其不自任陳薄奠以叙哀方冀英靈之尚歆
太廟祭四室祝文

於赫 桓王積功累仁有齊 懿妃惟德之勤天眷
用休篤生 太上昭受帝命鴻業是創比于 上王
小心克恭投艱遺大迺在眇躬夙夜惟慮罔敢遑息
今修祀事聿遵丕式洋洋在上諒予孝則

受命告 太廟無冬享大祭三室祝文

於皇 度王迺及厥 妃積仁毓德啓後咸宜比于
太上奄有不基眇予繼序夙夜是祗惟明 天子
錫命保釐 天子有命我龍受之載謀載猷肆祀以
時臨之在茲歆我孝思

齊陵欄牆修築安陵祭文

於我 齊陵蒸在栗村始之封溝繚以周垣經歲之
久蓋畧永堅是修以築維億萬年既堅且好我心卽
寧薦以一酌以安懿靈雨露之濡優然如見嗚呼哀
哉歆我菲奠

祭 仁昭殿文

嗚呼一體而分鞠育之勤以冀其長成者父母之至情也致甘旨之養謹定省之職而報三春之暉昊天
之德者為人子者之所同欲而或有不可必得也悲夫維靈以貞淑之懿德播柔嘉之徽音流慶發後以
至于今矣而身顧不在甘旨無所供定省無所施徒荷鞠育以長成而昊天之德三春之暉何從而報之
嗚呼哀哉日月遒邁追慕益增每興此念愴不自勝至誠自有感通方時累見乎夢寐惟承順以養生則
諒已矣乎難再嗚呼哀哉惟念夫子之有身身生育

之遺體也予之富有一國蓋承頤德積善之餘裔也
惟能戰戰兢兢制節謹度克篤持滿居高之道以盡
平生之大孝以衍流慶於無窮則庶有以慰夫懿靈
於冥冥之中矣予其殫心致力於永終乎日惟端午
於薦一危登降拜俯寫哀陳辭維靈在茲歆我孝思

祭 仁昭殿文

思親恩之罔極方竟天地其曷已嗟永慕而不可復
見方第盡心於修祀而堂寢之未成方心有恤其如
缺寔經營于宮坵方功告成於不日垣墻周以遷迤
方峙殿宇之宏邃儉而不至乎陋方華亦豈及於侈

于茲安我懿靈芳庶予心之載寧奠一觴予陳辭芳
諒惟靈之所知

祭 翼王文

相彼瓜瓞緜緜其長於皇 翼王德厚流光積累之
勤啓後咸宜比于 太上奄有不基而予眇末夙夜
是祗追慕之情曷嘗有極今值諱辰奠此一爵嗚呼
英靈諒予孝則

祭 仁昭殿文

維昊天之覆幬芳育萬物其白陶哀 先妣之淑慎
芳諒生我其劬勞念至恩之罔極芳曾未報於絲毫

奄一逝而莫追兮歲十五其幸更春兩秋霜之代序
兮殷予心之惻惻曰予復夫千乘之尊兮顧無及於
養生常抱恨以永慕兮時又逼乎新正升堂入室以
斟一觴兮儼然見乎儀容嗚呼懿靈兮臨在上冀俯
歆兮諒予衷

親幸 宗廟春享大祭一室祝文

於皇 穆王累仁積德有齊 孝妃柔嘉維則發祥
于後克主臣民惟予眇末夙夜惟寅氣序沍易殫我
孝思載謀載猷修祀以時庶幾歆止申錫繁禧

宗廟祈雨祭祀文

維祖宗之積累兮實啓佑我後人予乃有此丕基
兮堯早夜以惟寅曩予之在松都兮民重遷而怨咨
予不聞而聿來兮蓋祖宗之是依自冬以歷春夏
兮雨暘不失其時謂從今其有年兮賴陰隲之孔將
胡瘼我以秋旱兮俾稼穡以卒瘁心如熏以焚焚兮
修祀事以辰良庶雨澤之沛然兮致豐年之穰穰惟
家給而國阜兮諒神人兮永庠

大行皇后祭文

至哉坤順允協乾元於皇淑德克配至尊既貞且
惠既儉以勤篤生祚胤胎教孔彰謂將萬歲母育多

方何天不慙宇內銜恤顧惟小邦特蒙殊渥聞訃驚
惶吞聲蹢躅遙薦菲奠以叙寸忱仰惟懿靈冀垂俯
歆

太上殯所小歛祭文

嗚呼所天而至斯耶攀呼莫及擗地奈何五內摧裂
眩瞶屯沉謹稽禮制歛以衣衾仍奠菲薄有淚盈襟
仰惟英靈冀垂俯歆

太上殯殿大歛祭文

維所天之傾逝方悵予心之皇皇目不見而耳不聞
芳欲從之而無方念喘息予僅存方叩地叫天而無

所逮哀猶望其復生兮倏大歛之已屆嗚呼痛哉兮
肝肺裂而心摧斟一觴以奠于前兮庶英靈之諒予
哀

貞陵告遷祭文

維幽明之故兮理雖一而分則殊神道貴乎清淨兮
豈前言之或誣稽諸古而迄今兮無墓藏於國之郊
禮官執此以進言兮大小臣僚之與俱茲卜宅以青
烏兮得於城之東北隅水涓涓而演漾兮山靡靡以
盤紆置玄宮固其所兮孰云近夫塵區擇日吉予告
遷兮羌致酒以一斟冀淑靈之昭格兮叙悲忱以鳴

呼

祭 厚德王大妃文

維坤之道承天以行昭哉懿德配我聖明曰勤曰
儉且順且貞壺儀以肅內治以成誕我聖子以撫
昇平謂享榮養而壽而康胡天不吊小大滂滂嗟嗟
臣等偏荷寵光罹此鞠凶不勝痛傷爰陳薄奠辭以
叙情仰惟淑靈俯鑑微誠

祭 聖德神功太上王文

皇矣上帝眷此東民保之佑之生我聖神扶翊
太祖代有高麗推讓恭靖以重倫彝天鑑孔昭

帝誥沓臻甘露薦瑞島夷來賓二十年間國家平康
傳之 聖子休于無疆 聖德神功冠冕百王胡遽
厭世弓劍忽捐天昏地黑四顧茫茫嗚呼痛哉嗟嗟
臣等特蒙卵翼超資越級列于宰執愛之信之寵之
任之飢賜之食寒煖以衣和色以待溫言以接推心
置腹魚水相得一朝長辭攀呼莫及嗚呼奈何不勝
哭擗天長地久有時盡矣慟哉此哀何日而已穆穆
聖容尚在 臣視琅琅 天語尚在 臣耳德澤之深
淪肌浹髓拊膺慟哭嗚呼已矣第追殊遇報之 嗣
王左右承弼以覲耿光耿耿此懷銘之肺腑今陳薄

其詞以叙情仰惟冲鑑俯諒微誠嗚呼哀哉

應奉司祭雙梅堂文

嗚呼先生而至然乎先生有道領袖吾徒學該百氏
叅駁取純雲煙變態江漢漂淪謂天無意公與斯文
謂天有意公不久存昔公未用國家病之及其既用
又以為遲嗟嗟生等忝與下僚晨夕左右鑽堅仰高
忽此永違竟莫之追斯文無傳學者無師升公之堂
歲棺綬帷薦以薄奠拜而陳辭上為國慟下哭吾私
祭陽村先生文忠公文

天厚東方降之哲人元氣之會澄澈淳真冰壺秋月

麗日陽春先生爲學源於濂洛博而詳說造乎反約
細之極精毫差縷析大之無外包天括地體用一源
混融純粹先生之行篤於踐履靜而正一鬼神莫窺
一念方崩察乎隱微内外交養惟敬是資仁孝忠信
通於神明溫良博厚辰也大成叅山之重滄海有容
巍乎德兕凜矣高風持已以莊泥塑之似待人以恕
藹然和氣學者蒼墳教誨諄至久而不倦樂得英才
雖告鄙夫兩端必該大難之加言笑怡怡金紫之威
素節不移奉使專對天子霽威命題夫詩天子
嘉之蒙賜御製前古所稀從仕文淵華人見推盛

德之至所過咸宜先生之文浩汗無涯和順之積溢
外光華昭回雲漢流轉江河千倉萬囷用之不竭入
學之圖淺見之錄羽翼聖經發揮來學片言餘論人
率膾炙不有其有不實其實頽然其順小大皆服允
矣先生卓哉無匹天胡難諶而不怒遺斯文無傳學
者無師民無耳目國無著龜舉朝傷痛行路涕洟嗟
嗟生等小少樞衣叨承善誘顧未有知尚襲青紫獲
廁詞林先生之賜山高水深幾鑽仰浸齒爲期今
也已矣嗚呼曷歸天迷地密四顧茫然失聲一蹠有
淚如泉嗚呼先生幽明永隔道德之宗文章之伯佐

我興運蔚爲元勲鴻門諸子又見王孫太常贈謚
曰文曰忠從祀文廟廷議攸同終始哀榮疇克與京
恭薦一觴辭以叙情臨之有赫鑑此衆誠

柳摠制習祭陽村文

陽村嘗撰柳渥政至碑銘
習未行謝禮而公逝矣至

是祭之

大哉文忠道隆德尊濂洛其學韓柳其文勒銘神道
以賁先墳嗚呼先人遭世艱屯痛哉鬱悵千載誰聞
幸茲不朽賴公之言感佩之情天地無垠擬行薄禮
以謝厚恩俯仰悠悠公領乘雲嗚呼已矣奠于九原
庶幾英靈惠我則存

門生等祭高麗門下侍中朝鮮 贈謚文忠公

隱先生宅主鳳陽郡李氏文

惟靈曾于茂族女德之隆擇配以歸聿修婦功生子
克家有壻之良宗姻仰則母儀孔彰念惟生等師事
文忠鑽仰竭才以承擊蒙而需沾子視義無於恩高山
安仰逝水沄沄烈烈文忠三氏之臣我 后懷之式
是後人凡曰有生孰無一死草木以腐湮沒誰記赫
哉英名窮天不墮嗟嗟痛慕何日而忘瞻容末由報
德無方歲月云邁幾弄周星仕宦有暇趨造門屏祇
奉語音以慰我思今復已焉永矣懷悲輟此一觴辭

以叙情庶惟淑靈諒我微誠

祭晉山府院君河浩亭先生文

皇矣上帝眷佑東陸命我聖后作之君師乃生賢
佐輔之翼之公惟藥石濟民瘡痍公惟水鑑辨人妍
媸危疑未決公乃著龜輕重未定公乃權衡或毀或
譽公心則平事上待下一以至誠威如秋凜溫若春
生高不可攀深不可測細入毫釐幾微必燭泰山其
重鎮定振擊滄海其大茹納污濁公自庚辰秉國之
旬垂紳廊廟百度維新二十年間物阜民殷公孝于
家鄉黨見稱公忠于國王額股肱舉世佞佛公獨

龍之舉世媚神公獨非之所見之正所守之確先生
詳明從容詳密先生著述豪逸典則古調是賡微言
是析若虛若無克自謙抑嗚呼我輩瞻仰門牆舉蒙
汲引身立名揚恩同山岳報之毫芒追惟徃歲十月
初吉奉餞于郊笑言偕洽謂當未幾還勞于道訃音
忽至曷勝痛悼位躋極品壽登七秩德尊一代勲盟
再建王為輟朝素膳以泣親臨于家奠于殯側公
之終始蓋無憾焉所可痛者國無忠賢生民誰賴斯
道誰寄嗟嗟我輩何所仰庇輿此一觴俯伏陳辭臨
之在上諒我懷悲

祭先妣 贈貞淑夫人曹氏文

嗚呼先妣稟資貞淑行著儉勤恩深鞠育念余小子
材質庸薄遭遇 聖明特蒙獎擢久典文衡遂膺崇
秩顧茲殊榮實由遺德思欲報之罔知其極恭惟我
后孝理為國追榮有典光輝寵安祇恩感懷省視
松柏載焚其黃且奠以爵維靈不昧庶垂歆格

祭先舅文

維公有志如玉之潔維公有行如泉之達提綱栢臺
按轡南方服勤 王事終始不遑宜荷天休福祥是
將何忤巨奸出為鐵府罹于二豎針砭莫愈哀哀兒

女誰恃誰依嗟余小子蒙未有知寒門孤迹踽踽獨
行何圖一日得此爲甥今將消吉適彼松京來陳薄
奠哀慕曷已英靈如在庶幾歆止

還願 宗廟祭文

惟祖宗之積累爲寶啓佑我後人茲小子之無良
方承丕緒以惟寅歲月冉冉其相仍兮時又屆乎陽
春賴陰騭於既往兮冀來者之有望常陟降於庭止
方庶錫福之孔將

社

承天厚德惟品物之資生主地爲神令歲功而大有

稷

播時百穀克配天而立功粒我烝民竟終古以飽德

諸山

相彼喬岳毓陰陽只以雲以雨護我邦只曰為改歲
青春至只倅修菲薄嚴祀事只神其歆允錫繁祉只

諸水

維水之大維國之紀滔滔潤下曰自太始有闕其神
厥靈莫測日吉辰良修祀不忒庶調雨暘優借休祥

戶曹判書朴信等祭座主高麗門下侍中烏川

園隱先生朝鮮

贈謚文忠公鄭公宅主鳳陽

郡夫人李氏文

惟靈淑德克配君子生子以育俾世厥美婦道毋儀
記于太史人生終始蓋無憾矣歸葬有期殯紼斯發
爰將一酌奠于路側惟靈不昧尚其昭格

契盟文

天叙五典友朋其一邈哉胡越而有今昔并生斯世
已曰難得生共一邦從遊晨夕矧是同庚義重骨肉
誓相好矣惟膠與漆死生必救患難必恤相古先民
思信惟篤雷陳管鮑輝映簡策嗟嗟世人惟利是急
風雲變態孰究反側允我同盟是戒是法山礪海塵

終始無易而渝此盟神明其殛

金蘭契文

人倫有五朋友居一友以輔仁是取三益結契同心
名曰金蘭于始于終永矢不諼而渝此語神其不與

祭亡耦吳氏文

嗚呼偕老之期曾未再朞而至斯耶念昔告歸龍駒
之東謂當生子以嗣吾宗豈意一夕而至斯耶嗚呼
奈何奈何病未得投以藥歿未及見其終徒撫斂殯
以摧我衷疾病之際平人所慎况復懷孕教療當盡
曰初不豫何不早圖乃至隕命而以誤吾計音初至

其夢其真痛念昔故惶若抽神謂言不歸儻免此災
天長地久為恨可涯夫死生壽夭稟於彼天自有定
數萬古皆然豈藥餌之所救豈居處之所致我嘗讀
書洞觀此理尚此烏悵未能自慰念余多病供給孔
將誰主誰親俾我而孱又况雙親自疑在堂遽然長
逝而不復返九泉之下想有遺恨嗚呼命也亦已焉
武惟當缺

謹於葬埋庶無或悔以塞我哀奠以

恭餅侑以此詞拊膺一痛揮涕漣漣嗚呼淑靈知乎不知

晉州五臺寺重修文

僧有信性者踵門而告曰晉州五臺寺今左政丞少

之時讀書處也將圯矣誓欲修而新之募緣檀越鄭大提學諸公皆已同我願矣敢請余惟浩亭先生以碩德宏才佐我聖上以登至治暨鳥數魚鼈咸若則凡在東方者固無一物不被先生之澤矣雖浮屠亦知欽慕焉以是寺先生遊歷地也閱其銷毀慨然有重新之志焉豈非可尚也耶宜乎助之者多也昔周召公宣化南方而人愛甘棠戒以勿剪非愛其樹召所憇也夫愛其德則雖暫焉所憇之地一草一木之微所以調護者乃爾况茲寺也先生食於斯寢於斯習業於斯所嘗休息之地乎是尤宜將國人而助

其備矣况若鄭公也哉季良門生也敢不欣然樂而
同其願焉且晉之子弟來寓讀書學先生之學志先
生之志為國家輕重者接踵而起矣雖謂茲寺與晉
之鄉學相甲乙可也此又不可不識

春亭先生文集卷之十一

春亭先生文集卷之十一

春亭先生文集卷之十二

箕子廟碑銘并序

宣德三年歲在戊申夏四月甲子 國王殿下傳旨
若曰昔周武王克殷封殷太師于我邦遂其不臣之
志也吾東方文物禮樂倬擬中國迄今二千餘祀惟
箕子之教是賴顧其祠宇隘陋不稱瞻式我 父王
嘗命重營予承厥志而督之今告成矣宜刻諸石以
示永久史臣其文之臣李良承命祗慄不敢辭臣竊
惟孔子以文王箕子並列於易象又稱爲三仁則箕
子之德不可得而讚也思昔禹之平水土也天錫洪

範彙倫叙矣然其說未嘗一見於虞夏之書歷千餘
年至箕子而始發向非箕子為武王而陳之則洛書
天人之學後之人何從而知之箕子之有功於斯道
也豈偶然哉箕子者武王之師也武王不以封於他
方而于我朝鮮朝鮮之人朝夕親炙君子得聞大道
之要小人得蒙至治之澤其化至於道不拾遺此豈
非天厚東方畀之仁賢以惠斯民而非人之所能及
也耶井田之制八條之法炳如日星吾邦之人世服
其教後之千祀如生其時慨然對越自有不能已者
矣洪惟我 恭定大王聰明稽古樂觀經史而我

殿下以天縱睿哲之資緝熙聖學其於洪範九疇之道蓋有神會而心融者矣所以作之述之以致其崇德報功之典者出於至誠實非前代君王所可得而儷也卿士若民相率而起是訓是行以近天子之耿光而得與於敷錫之福也無疑矣於戲盛哉凡為屋若干置田以供粢盛復戶以應灑掃命府尹以謹享祀廟宮之事蓋無憾矣臣季良不勝感激謹拜手稽首而獻銘銘曰

嗚呼箕子文王為徒允也洪範帝訓是敷匪直師殷實師武王殷棄以亡周訪以昌大哉天下身佩安危

欽而東來天其我私以教以治八條其章孰愚不明
孰柔不強漢書稱義道不拾遺俾夷為華唐有其碑
豐豐我王光紹絕學心契其理躬行其法既作乃
述祠宇翼翼有峙其堂神御攸寧歲時享祀克敬克
誠嗟嗟小臣潛心遺經今承王命稽首撰銘盛德
之光彌萬億齡

有明朝鮮國學新廟碑銘并序

永樂七年歲在己丑秋九月國王殿下命臣李良
若曰惟我先考太祖受天明命肇造家邦定都漢
陽亟建廟學所以尊先聖而重文教也予承丕緒聿

遵成憲重新廟宮既成美學官崔誠等請文之石垂
示將來汝其筆之臣季良承命隕越退而徵其始
末歲甲戌太祖旣建都其宗社朝市城郭宮室之
制咸底厥宜卽謀營廟學度地於都之東北隅山止
土衍水環以流厥位面陽命驪興府院君臣閔霽
治之鳩工飭材經始於丁丑之三月歲事於戊寅之
七月聖哲崇宇從祀旁序學在廟後中明倫堂左右
有夾引脩廊于兩夾之南左夾之東有廳有廊師生
之位正錄所處無一不完規模宏敞締築堅碩凡為
屋大小以間計者九十六置田以供粢盛廩生徒復

戶以應灑掃足使令廟學之事可謂備矣而火于庚
辰二月其年十一月 殿下卽位于松京詣學謁先
聖 命胄子就學歲乙酉還都親奠于先聖先師越
三年丁亥正月 命卽廟之舊基而新之星山君臣
李穰暨中軍同知摠制臣朴子青董役晨夕督視心
計指授工師用勸四閱月而廟成崇深端大比舊有
加作神厨于廟之西東西門于兩序之下加給田口
田至萬餘畝口以百計者三矣用議政府左政丞臣
河崙獻議躋廊沂二公於配位陞子張於十哲廟宮
之制益無憾焉臣竊惟聖入之道大矣不可得而讚

也雖強有言其不類於繪天地而盡日月者幾希吾
夫子生於周末集羣聖之大成而折衷作百王之大
典而垂教功極於化初澤流於無旣生民以來未有
其盛宰予所謂賢於堯舜者其有以夫自唐以來際
天蟠地廟貌相望崇祀不貳矧吾東方爰自古昔俗
尚禮義服箕子八條之教彞倫之叙典章文物之儔
倂擬中國吾夫子蓋嘗有欲居之志矣則營建廟學
興崇文教固非他邦之比也恭惟 太祖康獻大王
應天順人草創洪業奄有東方定都之初即以崇聖
祀興儒術為先蓋其尊德樂道之誠出乎天性而卓

然有見於出治之本源當務之為急矣所以貽謀
裕淑人心而壽國脉者嗚呼至哉 殿下仁孝謙恭
剛健睿智光紹先業臨政之暇樂觀經史每至夜分
卷不釋手以極格致誠正之學以盡持盈守成之道
焉求之前古蓋亦絕無而僅有矣世道方亨人文宣
朗一時勲親大臣百僚庶府以至宿衛之臣莫不嚮
學非我 太祖右文興化育養人材而我 殿下弘
大前烈躬行於上以鼓舞多士作新斯民之致然歟
肄業有學承祀有廟周旋登降愀然對越觀感開發
勉勉循循由門而堂以求其室成德達材致君澤民

者接踵而出駸駸乎三代作人之盛可驗也豈惟改
觀易曉燭耀一時而已哉實我朝鮮宗社萬世之福
也臣李良謹拜手稽首而獻銘銘曰

於穆宣聖應時而生包義迄周集厥大成自生民來
孰不與京赫哉宗祀周于普天矧曰箕封禮義惟先
振旅俎豆從古則然天錫 太祖神聖武文昭受帝
命克集大猷翼翼神都惟漢之原迺經學官聖廟
在中奠薦講肄多士景從明明我 王續緒增功輯
熙 聖學今古罕同有倬新宮躋祀二公 元良入
學國本攸隆我作我述先聖是宗人材是育風化是

懿孰無秉彝而自暴棄人日進學世日超治登三威
五刻日以俟華山嶙嶙漢水疊疊與國無疆惟聖之
祀穹石琢詞于永厥視

有明 贈謚恭定朝鮮國太宗聖德神功文武
光孝大王獻陵神道碑銘并序

天之將降大任於有德也必生聖子神孫以開景運
以永洪祚我朝鮮太祖康獻大王之興也以我
太宗為子以我三殿下為孫噫戲盛矣豈人為之所
能及哉天也其與南宋賢聖君之繼作周家太王王
季文武之相承何以異武臣謹按 璿源李氏全之

望姓司空諱翰仕新羅娶宗姓之女六世而至諱兢
休始仕高麗十三世而至 皇玄祖穆王八仕元朝
而長千夫四世襲爵咸能濟美元政既衰 皇祖桓
王還事高麗恭愍王積功累仁其來久矣我 神懿
王太后以至正丁未五月辛卯誕 太宗于咸興府
厚州私第我 太祖之弟五子生而神異稍長英睿
絕倫好讀書學日進年未冠中高麗科第時政散民
離國勢抗掣慨然有濟世之志 太祖愛之異諸子
嘗以書扶官偕侍中李穡朝京師累官至密直司代
言洪武辛未九月 神懿王太后薨廬于齊陵之側

欲終三年壬申春 太祖西行遘疾而還來侍湯藥
恭讓之臣乘隙謀傾勢甚急 太宗應機制變討除
渠魁羣謀瓦解秋七月與諸將相倡以大義推戴
太祖化家為國封 靖安君甲戌夏 高皇帝命遣
親男八朝 太祖以我 太宗通經達禮取賢諸子
即遣應命既至敷奏稱旨優禮賜還戊寅秋八月
太祖不豫權臣朋家聚黨有欲挾幼擅政以肆已志
者禍發斯迫 太宗炳幾殲除時宗親將相皆欲請
冊我 太宗為世子 太宗牢辭推尊 恭靖上請
太祖冊封世子以定 宗社九月丁丑 太祖疾

未瘳禪于恭靖建文庚辰正月逆臣朴苞謀我同
氣陰誘芳幹父子稱兵為亂太宗勒軍平之誅苞
餘悉釋安置芳幹不廢懿親恭靖以無嗣且謂開
國定社皆我太宗之績冊為世子冬十有一月
亦以疾傳位于我太宗遣使請命明年辛巳六月
建文帝遣通政寺丞章謹等奉誥命印章來封我
太宗為王冬遣鴻臚寺行人潘文奎來錫冕服秩
視親王歲壬午今皇帝卽位遣左政丞臣河崙賀
登極帝嘉忠誠明年癸未四月賜以誥印遣都指
揮使高得等來仍封為王秋遣翰林待詔王延齡來

錫袞冕九章錦段紗羅書籍 太祖錦段紗羅 元

敬王太后冠袍錦段紗羅各有差自是厥後 帝奏

荐至無虛歲矣歲乙酉以漢陽 太祖所都揀羣議

而還歲丁亥 帝語朝正使臣曰朝鮮國王至誠事

大自後每當使臣之至輒稱至誠戊子五月 太祖

晏駕哀慕同極居于諒闇喪葬以禮遣使告訃 帝

震悼罷朝遣禮部郎中林觀等賜祭大牢贈謚康獻

又勅 太宗賜厚賻壬辰冬有以王氏之裔隱於民

間者上言攸司請誅之 太宗曰帝王之興自有天

命誅王氏之後非我 太祖本意迺下教曰王氏之

後存者俾之各安生業甲午六月日甘露降于咸興
府月光仇未里及定平白雲山明年乙未四月甘露
又降咸興府德山洞吾東方前古所未有也政府俱
進箋賀不受戊戌六月以世子禔敗德廢之封讓
寧大君以我 殿下聰明孝悌好學不倦國人屬望
冊封 世子以聞 帝俞允是年八月禪于我 殿
下遣使請命十有一月我 殿下奉冊寶獻號曰聖
德神功上王明年己亥正月 帝遣鴻臚寺丞劉泉
等奉誥命封我 殿下為王五月對馬島倭犯邊殺
掠軍士命領議政臣柳廷顯及贊成臣李從茂等以

舟師往討之島倭納款如舊八月 帝遣使賜宴勅

書畧曰王至誠篤厚祇事朝廷一德一心終始不怠
能簡賢命德俾宗祀有托以副國人之望又賜宴我

殿下勅書畧曰爾父篤厚老成祇敬天道忠順之

誠愈久不替九月 恭靖王即世服斬衰終易月之

制遣使告訃明年四月 帝遣使致祭賜謚恭靖

是年春我 殿下率羣臣請上 太上王之號不允

秋七月 元敬王太后薨以我 殿下哀毀過禮命

從易月之制 殿下涕泣固辭乃命葬後釋服白衣

終制九月壬午葬 太后于廣州治之大母山 陵

日獻辛丑秋九月我殿下奉冊寶獻太上王之
彌十月稟太宗命冊封元子諡宗為世子太宗
以不世之資緝熙聖學孝悌通於神明誠敬格于宗
社事大則天子稱其至誠交鄰則倭邦服其有道
欽天恤民崇儉節用先德禮而慎刑罰進忠直而黜
奸邪闢異端而禁淫祀酌古今以定制度昭文教而
嚴武備積弊悉革而庶績咸熙四境安堵而民安物
阜帝王之道嗚乎感哉宜其紆帝眷之隆而再獲
甘露之上瑞矣壬寅四月始不豫癸五月丙寅薨于
離宮我殿下不勝哀慟三日撤膳羣臣滄泣請進

膳竟不許定為三年之喪不用易月之制 太宗春

秋五十六歲在王位十有九年居間頤養五年而弓

劒忽遺大小臣僚下至僕隸莫不失聲踊笑愈又愈

哀如喪考妣嗚乎慟哉以是年九月初二日丙辰上

尊號曰聖德神功文武光孝大王廟號 太宗初六

日庚申合葬于 元敬王太后之陵 遺命也及訃

聞 帝哀慟輟朝特遣禮部郎中楊善等賜祭其文

畧曰惟王篤厚至誠聰明賢達敬事朝廷忠順之誠

終始不替訃音遠聞良深感悼又賜誥命謚曰恭定

又賜 殿下賻優厚蓋我 太宗功德之盛及我

殿下孝誠之至前後相承克享天心故於終始之際
罷異之典如此其備至矣 中宮元敬王太后姓閔
氏驪興世家自高麗門下侍郎平章事文景公諱令
謨六世而至皇高祖諱宗儒相毅陵位都僉議侍郎
贊成事謚忠順忠順生皇曾祖判密直司事謚文順
諱頤文順生皇祖大匡驪興君諱朴大匡生皇考純
忠同德贊化功臣大匡輔國崇祿大夫驪興府院君
修文殿大提學領藝文春秋館事謚文度諱霽皇妣
宋氏封三韓國大夫人高麗重大匡礪良君諱璿之
女積善流慶是生 淑德聰慧異常將笄擇配來嬪

于我 太宗太宗少有濟世之志留心經史不事家
產 太后能儉於治家謹於主饋以勉其功教誨多
男俾循義方禮遇妾侍克盡婦道洪武壬申封 靖
寧翁主戊寅 太宗定杜之際勢甚孤危 太后盡
心輔贊以濟大事庚辰春封 貞嬪其年冬 太宗
即位封 靜妃永樂癸未 帝賜冠袍自是年至丁
酉累受 帝賜凡五戊戌冬我 殿下獻彌曰 厚
德王大妃庚子九月追謚 元敬王太后春秋五十
六歲 太后稟幽閒貞靜之德克配 太宗以專內治
二十年間壺儀肅穆又誕 聖子俾主 宗社以享 宗

盡 疑 盡

養及薨嬪媵妾侍莫不盡心悲慟婦則母儀其至矣
乎誕四男四女我 殿下居三長卽禋次日補封孝
寧大君次日種封誠寧大君先卒女長貞順公主下
嫁清平府院君李伯剛非一李也次慶貞公主下嫁
平壤府院君趙大臨次慶安公主下嫁吉昌君權趾
亦先卒次貞善公主下嫁宜山君南昭懿嬪權氏生
一女貞惠翁主適雲城君朴從愚昭惠宮主盧氏生
一女幼信寧宮主辛氏生三男七女男長種封恭寧
君餘幼女長貞信翁主適鈴平君尹季童次貞諱翁
主適漢原君趙璿次貞淑翁主適月城君鄭孝全餘

皆幼宮人安氏生一男三女皆幼金氏生一男
敬寧君高氏生一男崔氏生一男一女李氏生一男
金氏生一女皆幼我 中宮恭妃沈氏門下侍中德
符第四子溫之女誕四男二女男長即世子餘皆
幼讓寧娶金漢老之女生三男一女皆幼孝寧娶前
判中軍都摠制府事鄭易之女生四男一女皆幼誠
寧娶前金羅道都觀察使成抑之女生無子貞順公主
生一女適龍驤侍衛司護軍李季畊亦非一李慶貞
公主生四女長適敦寧府丞安進次適幼學金仲淹
餘幼慶安公主生二男長聘娶漢城少尹鄭淵之女

次幼貞善公主生二男一女皆幼敬寧娶戶曹參議
金灌之女生二男皆幼恭寧娶兵曹參判崔士康之
女生二女皆幼臣竊觀我太宗之盛德隆功固已
高出於百王之上矣而配匹之賢內助之功又有可
與蜀涂莘執事同符而儼美者矣羣臣咸願刻銘于
陵之神道碑昭示永世 殿下以命臣李良臣李良
承命祗慄不敢辭謹拜手稽首而獻銘銘曰
天眷海東降我太宗亶亶太宗盛德在躬推戴
聖父克集大功乃覲 帝庭敷奏從容優荷 睿思
保我黎元炳幾靖亂嫡長是尊雖值開墻友愛猶惇

孝悌之至從古罕聞惟德之厚惟功之懋天鑑孔昭
式申保佑煌煌金寶輝映前後帝詔存臻我乃寵
受祖訓惟服還于漢北制作禮樂煥乎郁郁遭喪
居廬哀慕同極以葬以祭古典是式祇事朝廷帝
稱至誠肅肅承事感于神明交鄰有道倭邦來庭存
卹王裔俾遂其生中外乂安垂億千齡浥浥甘露歲
降咸府廢昏命德以作民主期享永年父臨下土何
促賓天一疾莫愈哀哀聖子慟悼無比撤膳三日
不勝摧毀凡百喪事惟禮之履帝聞慟悼遣使以
祀贈謚褒崇賜賻優隆恤典之備喜溢臣工思齊

太后允也肅雖密贊定社克配亶聰篤生聖哲

俾主宗祏乾健萬明恭定之德坤厚柔貞元敬

之則琴瑟以友歲同其域子孫振振吁嗟其麟綿綿

宗社垂萬億春臣拜獻詞刻之貞珉萬代不磨昭

我東垠

碑陰尹
准記

有明朝鮮國溫仁恭勇順孝大王厚陵誌

永樂十七年歲在己亥秋九月二十六日戊辰溫

仁恭勇順孝大王宮車晏駕我聖德神功上王殿

下及我主上殿下哀慕切至服喪盡禮上率羣

臣奉上尊號越明年庚子春正月初三日壬寅以禮

合葬于松京海豐郡 定安王后之厚陵 遺命也

大王我 太祖康獻大王之弟二子天資溫仁恭

謹勇畧過人仕高麗累官至將相常從 太祖出征

立功歲庚午將兵捕倭于禮山獻捷歲壬申秋七月

太祖卽位封 永安君歲戊寅秋八月 太祖不

豫權臣有欲挾幼構亂者我 上王炳幾殲除請于

太祖冊封 大王為 世子九月丁丑受 太祖

內禪歲庚辰春二月以無繼嗣封我 上王為 世

子其年冬不豫禪位于我 上王上王進 大王尊

稱曰仁文恭睿 上王愛敬盡孝父而益篤 大王

春秋六十三歲在 王位三年居閒養病十有九年
此終始哀榮之大槩也 妃金氏贈門下左侍中諱
天瑞之女性不妬忌禮遇妾侍我 上王進尊號為
順德王大妃追謚 定安王后無子宮妾子男十
五人女十人曰元生封義平君次茂生次幼池氏出
也曰羣生封順平君次義生次三皆幼女適全州府
尹金諱謙之子封淑慎宅主次二皆幼竒氏出也其
餘男女皆幼義平娶衿川監務崔致崇之女生一男
一女幼順平娶判司宰監事薛存之女永樂十八年
庚子正月日謹誌

有明朝鮮國純忠同德輔祚贊化功臣大匡輔
國崇祿大夫驪興府院君修文殿大提學謚文
度閔公墓誌銘并序

公姓閔氏諱霽字仲晦號漁隱驪興大族也曾祖諱
宗儒相高麗毅王位都僉儀侍郎贊成事謚忠順忠
順生祖判密直司事諱頤謚文順文順生考大匡驪
興君諱拆娶宣授征東行中書省左右司郎中重大
匡都僉議贊成事謚文正許公諱伯之女生公公自
幼聰明絕人於諸書一覽輒記尤長於史學至正丁
酉年十九中第授國子直學壬寅選入藝文館明年

拜通禮門祗候丙午遷典理佐郎洪武辛亥陞禮部
直郎壬子移典理正郎知製教癸丑擢成均司藝乙
卯轉典儀揔郎明年移軍簿丙辰拜成均司成壬戌
判典校寺事丁卯出守春州有惠政明年判小府寺
事藝文館提學階奉翊八月遷典工判書俄改禮儀
判書同知春秋館事上護軍己巳夏移版圖七月又
遷典理九月陞開城尹商議密直寺事兼禮儀判書
明年轉簽書密直司事兼都評議使司階兼如故又
兼世子左賓客壬申出尹漢陽七月我太祖開國
拜資憲大夫藝文春秋館太學士甲戌遷政堂文學

同判都評議使司修文殿學士冬以賀正使如京師
還拜三司右僕射實文閣大提學成寅秋加正憲
遷特進輔國崇祿大夫驪興伯銓禮曹事兼判奉常
司農寺事修文殿太學士公自少以知禮聞故其陞
樞府以至崇祿亦兼禮曹建文己卯知貢舉其冬判
三司事庚辰二月我太宗為世子元敬王太后
封貞嬪三月進拜翰忠輔祚功臣持進輔國崇祿大
夫門下右政丞判都評議使司兵曹事兼判尚瑞司
事實文閣太學士監藝文春秋館事領經筵事驍興
伯四月改賜同德佐命之號且兼錄軍國重事九月

轉左政丞十一月 太宗即位 元敬封靜妃加賜
純忠之號封驪興伯辛巳賜純忠同德輔祚贊化功
臣之號封府院君永樂戊子九月公寢疾及公疾篤
我 太宗幸其第視疾公整衣冠言辭稍似平時越
三日卒享年七十訃聞 太宗震悼輟朝親臨致祭
奉常謚文度以其年十一月有司具儀衛葬于海豐
郡中連里公天資溫仁清簡留心經史不事家產不
喜華侈闢異端而惡淫祀使工圖僕隸制挺啖犬逐
僧巫及以藥餌濟人若物之狀於壁上以觀之當我
太祖革私田之時掌科田之制及開國修撰經濟

六典凡國家大小禮度皆所詳定新舊都營文廟之制公皆監之至其尊榮已極畧無富貴之相日以碁局自娛善評詩蕭然有出塵之趣常謂子無咎無疾等曰汝等驕盈不悛必敗公之和子可謂明矣夫人宋氏礪山世家正憲大夫軍簿判書諱琰之曾孫匡正元尹諱渾之孫重大匡礪良君諱璿之女也寬慈勤儉治家有法洪武戊寅封卞韓國大夫人永樂乙酉封三韓國大夫人甲辰六月病卒年八十三訃聞上素服出次學百官舉哀越六日親臨遣使致奠以是年八月合葬于中連里大夫人生四男三女我

元敬王太后於次居二太夫人男長無咎次無恤次
無悔皆以罪先太夫人歿于貶所女長適趙璞李適
盧閑無咎娶檢校賛成事權鉉之女生一男廬無疾
娶前漢城尹韓尚桓之女生三男三女男直龔森幹女
長適前丞金永輪生一男幼次適幼學李緊生一男
二女皆幼李適幼學洪禹明無恤娶星山府院君李
稷之女生四女長適幼學宋馮次適幼學金養中生
二女幼無悔娶右副代言金益達之女生一男一女
男嘉幼女適幼學金鎬趙璞生一男一女男慎言娶
芳幹之女生二男一女男訥默幼女適幼學朴斯綯

盧開生一男二女男勿才娶沈溫之女生二男皆幼
二女長適李種仁生二男二女皆幼李適仁壽府丞
崔厚生三男一女皆幼嗚呼公及大夫人之內外赫
然俱為一國望族而積善毓慶誕我元敬伉儷

至尊母育三韓乃誕聖子克纘大業以開億萬年
無疆之休吁其盛矣哉是豈文詞蕪拙如臣者得秉
幽堂之華以形容其萬一也哉茅以職兼史官祇承
上命不敢以文拙辭謹撮其世系歷官事顛末而
為之銘銘曰

維公之先克濬其源世濟厥義裕于後昆維文度公

益大其門懿懿夫人惟婦之則積善之慶鍾于淑德
儼尊宸極母儀一國篤生聖哲增光前烈前後
親臨榮孰與伍相彼中連山密氣聚王曰文度
皇妃之父史臣銘之賁其幽堂臣拜撰詞石刻以歲
更千萬歲永示無疆

有明朝鮮國大匡輔國誠寧大君卞韓昭頃公
神道碑銘并序

永樂十六年歲在戊戌春二月初五日大匡輔國誠
寧大君年十四以病卒近臣傳旨若曰誠寧大君
種亡矣年既不永而又無子悲之庸有旣乎其令史

臣碑于墓道垂諸不朽庶有以慰其精魂於九泉之
下且以塞予無窮之悲也臣季良俯伏承 命謹按
大君諱種 世子之母弟於次爲第四以乙酉秋七
月壬寅生姿容端美聰睿異常於童稚雜戲泊然無
所好 兩宮絕愛之年八歲始就學學日進不少懈
且善習射已至百五十步壯而能者咸見推焉至於
孝親敬兄皆得其道一如成人 殿下益重之凡起
居飲食舉不離於左右歲甲午正月封誠寧大君丁
酉九月授階大匡輔國娶嘉善大夫左軍同知摠制
成公諱抑之女封三韓國大夫人今年正月十九日

感疾 兩宮憂甚祈禱救藥等事靡不盡心及卒震
悼輟膳二日宗親百僚下至僕御之徒莫不悲哀議
政府率百官陳慰且請進膳翼日只令進粥輟視朝
三日時 殿下過於哀慟體氣稍遠豫耆老大臣請
進肉膳不許請至再三益勤竟不允以素膳終三十
日追封大君卞韓國公 贈謚昭頃有司具葬事以
是年四月乙酉葬于高陽縣北酸梨洞之震麓 命
立祠堂於其第又 命立後以主其祀葬祭之禮蓋
無憾矣恭惟我 殿下爲子則盡其孝於親爲父則
盡其慈於子今大君之喪事誠心懇至而哀慟無已

思慮深長而本末悉備此雖出於所性之德而極乎
人倫之道抑亦大君之姿稟卓異而行實相孚故有
以獲 殿下之鍾愛若是其至大君其賢矣哉而不
幸短命嗚呼可勝哀也哉臣嘗讀論語固有憾於以
孔子之聖而不免於哭鯉今於昭頃之卒又有以信
夫天之或有未定也無疑矣謹拜手稽首而爲銘銘
曰

昭頃之質玉潔陽和昭頃之行孝悌柔嘉敏而好學
眷愛有加天胡賦德而奪之年嗚呼 聖父痛彌天
淵信乎靡定孰使其然崇秩其封立後以祀日月其

良山川其美其藏其密其永寧哉刻銘墓道用昭厥
哀

有明朝鮮國 贈資憲大夫議政府叅贊徐公

墓誌銘并序

公諱元後改遠利川縣人遠祖神逸年八十生子太
史內史令弼太史生太史內史令熙有功高麗光王
朝賜錄券內史令生追封尚書右僕射惟傑僕射生
中書侍郎平章事上柱國靖侍郎生檢校尚書右僕
射句劬金尚書生檢校太子太師尚書左僕射淳太
師生兵部郎中氏郎中生監察御史義於公為曾王

父御史生閣門事溫閣門生太官署令兼直文翰署
恬直文翰生判內府寺事璉內府娶有備倉注簿光
陽金百鍊之女以至正四年辛亥十二月戊寅生公
公自幼天性厚重廉謹既長不營產業不尢聞達日
以琴酒自娛常曰人之富貴貧賤自有天命不可妄
干忠宣王四年充寶馬陪行首尋拜密直堂後入近
侍衛擢左右衛保勝郎將歲丙午國家擇公正廉謹
者差守令以公守竹州公至果有政績父老至今稱
慕焉洪武五年壬子八月以族背卒于家年六十二
以禮葬于川寧西村品谷里衆頭山北麓公凡再娶

竹山林氏生一女適中顯大夫典客令崔深無子
岳崔氏正尹洪義之女密直司知申事宋璘其外大
父也以至元丙子正月生貞靜慈愛動循禮法擇配
歸于公事舅姑以誠教諸子有方乙巳三月年九十
病歿祔于公塋生六男三女長繼年二男三男六男
皆先歿四男曰選資憲大夫判漢城府事五男宗浚
中直大夫典農正女長先歿次適嘉善大夫戶曹典
書崔賢進次適奉翊大夫判司宰寺事朴林貴判漢
城娶司宰令崔湖之女生一男四女男達中訓大夫
喬桐等處管軍萬戶兼知喬桐縣事女長適宣務郎

司譯院注簿李士敏先歿次適奉直郎大興縣監盧
皓次適宣教郎廣州判官李蓄次適承議郎司憲監
察許倫典農娶判典醫監事朴齊之女生一男曰耆
宣畧將軍忠佐侍衛司中領攝護軍典書生二男長
九龍宣務郎洛河渡丞次洽克別侍衛司宰生二男
長簡宣務郎都染署今次玆承議郎司憲監察喬桐
娶左議政黃諱喜之女生二男遭遇皆幼司譯生二
男二女大興生三女判官生一男一女皆幼洛河生
三男一女皆幼都染生二男三女長適東部錄事鄭
經餘幼監察生一男二女幼判漢城公請銘甚勤余

惟虧盈損益相因不窮實天道久長之妙也況於人
事乎徐之積善也遠矣自太史令至左僕射凡六世
累卿累公自兵部郎中至公又六世舉皆位不滿德
其積善之慶必自今大發於判漢城公而垂諸後世
也詎可量哉余之從漢城公遊非一二歲銘其先塋
義不敢辭是叙其世系歷官事顛末而爲之銘銘曰
利川之徐其來久矣卿相相承門閥罕比胡公之賢
天畀其位屈伸消長天道乃爾顯允漢城克振家風
綿綿餘慶洎于無窮川寧西畔衆頭山顛有峙其邱
崔氏祔焉史筆不諛垂千萬年

有明朝鮮國 贈忠勤翊戴慎德守義協贊功臣大匡輔國崇祿大夫領議政府事晉陽府院君河公神道碑銘并序

永樂十一年歲在壬辰冬十月議政府左政丞晉山浩亭先生囑季良曰惟我先考種德不食妻社後人而余小子再覲勲盟位冠百僚且承恩典封贈三世此其碑于墓道以示來世俾知先塋之所在而無敢或訛宜有辭而闕焉君其筆之季良不敢辭謹按公姓河氏諱允潐字所開晉陽大族也先世有左司郎中諱拱辰有功高麗顯王朝贈門下侍郎同平章

事曾祖考諱富溪及第隱不仕祖考諱湜 贈純忠
補祚功臣輔國崇祿大夫判司平府事晉原君考諱
恃源 贈純忠積德秉義補祚功臣大匡輔國崇祿
大夫議政府右政丞判兵曹事晉康府院君娶承奉
郎豐儲倉副使鄭諱均之女以元至治辛酉四月丁
巳生公年七歲丁內憂呼泣盡哀若成人然庚午始
就學癸酉鄉之長者 贈崇祿大夫議政府資成事
姜公諱承裕謂公曰先世有功於國者其後必昌以
其子妻之資成性嚴公父事之至正甲申始仕忠穆
王朝為式目都監錄事丁亥春姜氏得吉夢有娠冬

十二月生男今政丞公也已丑授膳官丞壬辰陞為
令丙申遷門下錄事高麗之季公廩虛竭門下府朝
夕之費一委錄事而責其豐潔為錄事者舉多乞免
公盡心營辦畧無難色府官補之戊戌拜宣德郎北
部令庚子遣外艱終制癸卯知肅州郡事階朝奉郎
實恭愍王十三年也偽王反帖木兒舉蒙漢兵將入
寇諸道軍會西北偽王敗走其將帥往來皆道于肅
公待之無闕其年饑軍士還者多菜色公減俸祿又
勸郡人之有蓄者相助賑濟多所全活為政以仁恕
為本抽歛絕而刑罰省吏民德之及其見代涕泣以

乙巳春還鄉秋政丞公登第明年為史官公曰有
子立朝吾老矣不欲復仕乃與鄉之父老結為金剛
社優游卒歲時倭寇方熾公語族人曰吾鄉西南濱
海島寇歲至西南人先受其害勢必及邑里宜移就
北村以避其鋒至丁巳秋遂挈家結廬于桐谷明年
秋寇果八邑里闔境擾攘多被劫掠公自桐谷入江
城縣之山城舉家獨全鄉人服公先見政丞公時為
大司成上書宰相曰島夷數至老親輒入山城不勝
其艱今順興府使儒者也乞以自代除父順興俾獲
安處宰相義其言庚申春授公府使階奉翊先是公

嘗受添設官累轉至奉翊大夫禮儀判書故今為府使因其資云既至有惠政民方慕悅而疾作九月二十四日謂夫人曰吾年六十子亦成立有何遺恨況人生脩短莫非天命皆歸於盡只有先後耳勿傷心語竟乃絕政丞公奉柩歸晉陽以其年十二月甲申葬于桐房洞坎山北距先考墓幾步距先妣墓幾步始政丞公聞病備藥倍道疾馳二日而至未及承訣擗踊摧折晝夜不離殯側棺用全木槨用七寸凡喪葬之具一依文公家禮不用浮屠法至國朝戊寅以政丞公定社功 贈忠勤翊戴慎德守義協贊功臣

特進韓國宗祿大夫門下右政丞判兵曹事晉陽伯
壬午以佐命功加領議政府事晉陽府院君公稟資
厚重操履廉簡不妄語亦無戲言未嘗以營產留意
孝友出於天性睦於族親和於鄉黨愉愉如也公之
先考早逝伯父不肯均分蒼赤第侄欲訢於官公曰
安敢與叔父爭力止之伯父歿弟侄以前言強之公
曰從兄弟相訟亦不可及公歿從兄弟相訟乃分之
政丞公不受曰吾先子之所不爲也吾敢受乎請與
諸子曰諸子受是吾受也竟不許姜氏善治家動循
禮則奉親以孝事夫以順教子孫嚴而恕待族姻惠

而周乙亥夏寢疾政丞公時為中樞院事謂告馳駟
三日而至嘗藥以進姜氏曰汝父逝已久吾至今未
亡足見汝榮養不願飲藥死生也公涕泣以勸七月
初四日謂政丞公曰人之死生不在老少汝及汝婦
俱無恙吾今先逝豈不自幸不須強進諸藥明日卒
年七十六以九月丙午柩于公墓之南幾步戊寅
贈辰韓國大夫人男諱崙奮忠仗義同德定社佐命
功臣大匡輔國崇祿大夫議政府左政丞判吏曹事
修文殿大提學領經筵書雲觀事監春秋館事世
子傳晉山府院君娶奉翊大夫禮儀判書星山李公

諱仁義之女丙戌封辰韓國大夫人女適正順大夫
延安府使柳克恕政丞男久中軍都摠制府都摠制
娶奉翊大夫知密直司事李種德之女長女適吏曹
右叅議洪涉次女適左軍都摠制府摠制李承幹庶
男三長延皆幼永義興侍衛司大護軍庶女三長適
知谷山郡事金拱次適中軍司直張希傑次幼府使
男訂通德郎刑曹正郎余惟政丞公道德文章之美
名位勲業之盛無有此數固嘗謂其必有發之者久
矣嗚呼晉陽公之積善成德宜享其報矣而不克有
於其躬者豈非天將大其報而遲之也歟古人有言

為善無不報余於晉陽公而徵之矣自今至于千萬
世其流澤之久餘慶之永又可既耶嗚呼休哉銘曰
有流斯張維畜其源有枝斯茂維固其根懿哉河氏
實惟德門卓彼左司克有殊勲乃厚其積以啓後昆
振振晉陽惟德是勤厚倫息訟人服其義移家避寇
人服其智惠于二州民慕祐時仁義且智顯赫是宜
歛而家居竟莫以施天錫爾賴克生英賢遇我聖
主以相朝鮮安危呼吸談笑指陳從容廊廟百度維
新崇山其重滄海其容勲德之魁斯文之宗 三曰
政丞實予同德定社佐命予懋丕績追爵三世並峻

其秩旣勲而階領府維崇錫之妣爵辰國是封不
潛德雖死猶生晉山峩峩晉水泠泠瞻彼坎麓維吉
之叢維考維妣俱葬于中綿綿餘慶曷其有終刻銘
石碑以告無期昭茲來裔孰不公思

光化門鍾銘并序

上之十二年冬十月初七日命攸司鑄鍾懸于宮門
並遵古制以銘功德且以嚴羣臣朝會之期也洪惟
太祖康獻大王之在潛邸也勲德既隆人心日附
譟構乃騰禍機不測我 殿下方廬 齊陵之側聞
事急乃求應機以制遂與勲親倡義推戴以建大業

厥後姦臣并有構亂者我 殿下隨即平定以安

宗社臣竊惟孝親敬長德莫威焉開國定社功莫大

焉誠宜勒銘鐘鼎以示萬世 即位以來繼志守成

敬天事大并受 帝命以光祖烈 聖學極於領

治效臻於隆盛以至慎終報本之誠愛民育物之仁

立經陳紀之宏規大畧實皆高出於百王之上矣今

又特 命懸鐘以嚴晨夜之限其所以自強不息克

勤庶政以基萬世之太平者至矣而流澤之長歷年

之久當與此鐘同垂罔極也無疑也於乎盛哉且其

聘謀効力與於勲盟者亦宜悉銘于後傳諸不朽也

君疑

臣李良謹拜手稽首為銘銘曰

皇矣聖祖降于東土受天景命肇開洪祚昔在荒
李政散民離天眷我德人心有歸惟時讒慝蠱惑其
羣謀我孔棘禍迫晨昏孝哉聖子來自廬墳神機
一決允也亨屯如日之升溥暢洪輝尋有孽莽抵隙
圖危天厚太祖俾昌厥後假手我王詰彼羣醜
衆賢協謀乃左乃右彝倫攸叙宗社悠久再建隆
功實惟我后功崇不居德盛不有天鑑孔昭式申
保佑帝命荐臻時哉龍受金寶煌煌其大如斗天
寵之繁曠古無耦我還于都克繩祖武虔虔孝誠

終始無遠之綱之紀百度惟熙有嚴晨夜維鍾之懸
百司效職罔敢或愆綿綿宗社地久天長臣拜作
銘用示無疆

大學衍義鑄字跋

鑄字之設可印羣書以傳永世誠為無窮之利矣然
其始鑄字樣有未盡善者印書者病其功不易就永
樂庚子冬十有一月我 殿下發於宸衷命工曹叅
判臣李歲新鑄字樣極為精緻命知申事臣金益精
左代言臣鄭招等監掌其事七閱月而切訖印者便
之而一日所印多至二十餘紙矣恭惟我 恭定大

王作之於前今我主上殿下述之於後而條理之
密又有加焉者由是而無書不印無人不學文教之
興當日進而世道之隆當益盛矣視彼漢唐人主規
規於財利兵革以為國家之先務者不啻霄壤矣實
我朝鮮萬世無疆之福也

小簡儀銘

唐堯御世首命羲和以正日晷由茲以降代各有祀
至元而備今上十六年秋命李巖鄭招鄭麟趾等
作小樣簡儀雖由古制實出新規趺以精銅緣以水
渠以定準平子午斯位赤道一環面分周天度分東

西運轉以測七釐中外官八宿度分百刻環在赤道
環內面分十二時百刻晝以知日晷夜以定中星四
游環持窺衡東西運轉南北低仰以待窺測乃豎以
柱以貫三環斜倚之則四游準北極赤道準天腹直
豎之則四游為立運百刻為陰緯工作甫訖羣下請
刻銘示後 王命臣招臣拜獻銘銘曰

天道無為器且尚簡古之簡儀架柱棧棧今茲究也
近可提携其八用也同於簡儀蓋簡之又簡之者也

四書五經性理大全跋

五經四書若性理大全 皇明太宗文皇帝命儒臣

編輯之書也 帝以我 殿下之好學出於至誠特
賜是書書摠二百二十九卷我 殿下思廣其傳命
慶尚道監司臣崔府全羅道監司臣沈道源江原道
監司臣趙從生錄梓于其道 臣竊惟吾東方文籍鮮
少學者病其未能盡博大宋以來諸儒之說輔翼經
書者凡百二十人而皆具此書一覽瞭然今此刊行
豈非吾東方學者之幸也耶而我 主上殿下欽崇
帝賚緝漁聖學之誠心廣惠後學以淑人心之德
教嗚乎至哉

春亭先生文集卷之十二

行狀附

先生諱季良字巨卿號春亭密陽人也曾祖神虎衛
保勝負諱珠追封匡靖大夫門下評理上護軍祖諱
元追封推誠翊衛功臣重大匡門下贊成事上護軍
世居密陽之南龜齡村考資憲檢校判中樞院事兼
惠民局事諱玉蘭追贈崇祿大夫議政府左贊成
妣昌寧曹氏承奉郎濟危寶副事碩之女也洪武二
年己酉三月公生自孩提神氣異於凡兒六歲誦古
詩綴句壬戌公年十四中進士癸亥中生負乙丑公
年十七登第丁卯補徵仕郎典校署主簿尋遷典校

侍郎己巳遷備巡衛郎將無進德博士壬申我太祖定鼎漢陽是歲公年二十四以彰信校尉千牛衛中郎將無典醫監丞稱疾不出丙子夏始還奉直郎校書監丞知製教丁丑陞朝奉大夫試司憲侍史戊寅丁外憂辛巳春祔奉列成均學正知製教轉司宰少監甲申遷直藝文館乙酉無藝文應教丙戌冬起試藝文館直提學丁亥夏四月親試文臣公擢甲科第一人特拜禮曹右叅議無修文殿直提學知製誥冬遷左叅議無侍講院左輔德己丑夏陞嘉善大夫藝文館提學同知春秋館事秋無同知經筵事乙

未春陞嘉靖遷世子副賓客時方大旱禾穀枯槁
太宗大王憂旱靡神不舉而至六月不雨公上言
本國祀上帝雖云非禮事既功迫請禱雨圓壇上
心然之即命公製祭文遣領議政柳廷顯祭之天乃
雨上喜甚賜公鞍馬丙申夏遷敬承府尹修文
殿提學左副賓客丁酉夏起資憲藝文館大提學兼
成均大司成戊戌春改兼右賓客夏轉禮曹判書兼
知經筵春秋館事冬遷議政府參贊兼如古仍提調
義禁府事公議獄明允斷死刑哀矜不忍以死生道
所活者多聞者歎服上益重之自是至數十年常

無是職已交倭奴侵我南部殺掠人物焚蕩間舍

太宗大王與

殿下世宗

會羣臣議征討便否會曰

不可公獨進可伐之策

上嘉納之命公製

教文

數倭奴罪惡以長川君李從茂將三軍徃征之適風
勢不順雖不得大捷成功自是以來倭奴懼伏不敢
犯境又議殺俘擄人物公堅執不可上從之庚子
春無集賢殿大提學前此公上言請置集賢殿選掠
文臣年少聰敏者講習經書以備顧問上嘉納之
命設是殿於闕內置貲十人拜公為大提學掌之除
是職者必待公薦引壬寅夏五月上王昇遐公奉

教撰進碑文稱 上意 上賜鞍馬宣德元年丙
午陞崇政大夫判右軍都摠制府事兼 世子貳師
戊申 上慮 世子冠服無定制會議大臣公啓曰
莫若奉請於是遣使具奏勅賜六梁冠公又奉 教
撰進箕子祠碑文其詞奇絕足以神感已酉 上會
大臣命曰我國不產金銀而歲貢無慮千餘兩終不
可繼也其議蠲免之策公啓曰宜具由奏請 上躬
命公製表陳情得蒙 允永除是貢庚戌修 太宗
大王實錄書成而未得進夏四月二十三日以病卒
享年六十二 上聞訃悼甚撤朝減膳命有司致祭

厚賻

謚文肅同年六月葬于臨江縣仇和里先塋

之側坤向之原公所卜也公自幼聰明絕人好學不倦以研窮性理為務日遊園隱牧隱陶隱陽村諸賢之門得師友淵源之正所聞益廣所造益深典文衡二十餘年事大交隣辭命皆出其手朝廷每稱賞表辭之精切五掌禮園三掌司馬再為親試讀卷官取士一出於至公嚴其棘園禁其挾持革前朝冒濫之習正萬世科場之法士流咸服公嘗有詩曰春園曾見士如林萬萬花容有淺深李白桃紅都自取天工造化本無心公之所守於此詩可見矣公執心堅

確不畏強禦度量過人不拘小節以洗冤澤物興學
薦賢為已任一時名士多出其門公學識高明揆事
析理故凡處大事決大疑出人意外意表同列始疑其迂
遠終服其所見之卓異公事親克其孝喪祭盡其禮
嘗勸其伯氏立祠堂以奉先世蓋見得園隱之剏事
也公娶鐵原府使權總之女生一女適護軍趙乘後
娶兵馬都節制使朴彥忠之女無後側室有一子名
英壽上憫公無後特授職司正以奉其祀

缺修文殿大提學鄭陟撰

大興大興

公卿大夫士

大夫士

大夫士

大夫士

大夫士

大夫士

大夫士

大夫士

大夫士

乙酉孟夏初吉

屏山書院重刊



金瓶梅詞話
卷之五



